

SARS E SAENNE DITUMELELANO TŠA TIRIŠANOMMOGO LE DHA, BMA & GPW

Tshwane, 3 Aporele 2025 — Ditirelo ta Motšhelo tša Afrika Borwa (SARS), gammogo le Kgoro ya Merero ya Selegae (DHA), Bolaodi bja Taolo ya Mellwane (BMA), le Mešomo ya Dikgatišo tša Mmušo (GPW), ba tšeere kgato e kgolo lehono go godiša le go tiiša tirišanommogo ya tsenelano ka go saena tumelanelano ya tirišano ya mabapi le kaonatšo ya sebjalebja le tirišo ya ditšithale. Tumelanelano thwii e dirilwa magareng ga SARS le DHA, yeo e dirilego motlhako wa katološo magareng ga maloko.

Ditumelanelano tše di sepelelana le Tsela ya Mmušo ya Diphetogo tša Ditšithale, yeo e dumeletšwego ke Khabinete ka la 26 Matšhe 2025. Tše ke diphihlelelo tše bohlokwa tše di fago hlathollo ya mohlako ka moka wa mmušo go šomana le ditlhohlo tše mpsha le tše di tšwelelago ka boitšhupo bja ditšithale le kgeso ya bomenetša.

Tumelanelano ya mathomo e saennwe magareng ga Khomišinare wa SARS le Molaodi Kakaretšo wa DHA. Tumelanelano ye e tsošološa *Direct Master Agreement*, yeo e bilego thekgo ya tswalano ya sebaka magareng ga maloko, yeo e thomilego ka 2010. SARS ralokile karolo e kgolo go thuša DHA go tšweletša mekgwatšhomo ya yona ya IT yeo e thantšego. Tumelanelano ya lehono e tlo maatlafatša tirišanommogo go diplatfomo tša ditšithale go kaonafatša ditirelo le go kaonafatša data.

Tumelanelano ya bobedi e be e le ya memorantamo wa kwano magareng ga mekgatlontši ya DHA, SARS, BMA, le GPW. Se se emetše kgato ya pele ya go dira mohlako wa pušo go kgontšha, maatlafatša, le go lekola leano la kgwebokgwerano yeo e lego gona magareng ga basaeni. SARS le BMA di šetše di thomile go šoma mmogo go dira tsepanyo e kgolo le tirišanommogo ya kgauswi. Tumelanelano ye e bohlokwa e thuša go kopanya SARS le BMA ka leano le tshepetšo.

Khomišinare Kieswetter o boletše gore:

“Ditumelanelano di phethilwe lehono go tiišetša tšwelelo ya mohlako ka moka wa mmušo wa go šomana le ditlhohlo tša sebjalebja gape tše di thantšego tše mmušo o lebanego le tšona. Sebaka sa go ba le platfomo ya go swana ya go šomana le boitšhupo bjo bo kgethegilego bja ditšithale ya batho ka noši le ditheo se tlo thuša mmušo go kgonthiša gore go na le boitšhupo bjo bo tee bjoo batho ba ka ikgakaganyago le mmušo. Platfomo ye ya go kopanywa e tlo thibela ditipelo tše pedi, bjalo ka ge motho a amogela mphiwafela mola a šomela mmušo. Gape e tlo aga setheo sa bohlale bja sebjalebja bjo bo nolofaletšago mesepele ya batho ntle le tšhitišo”

Livhuwani Makhode, Molaodi-Kakaretšo wa DHA, o laeditše go thakgala ga gagwe tsošološong ya tumelanelano magareng ga DHA le SARS. O boletše gore:

“Dikamano tše di fapogilego gape tše di botegilego le SARS, tše di bego di dutše di le gone go tloga ka 2010, di laetša kgato ya maleba ya go šomana le ditlhohlo tše di lebanwego ka Kgoro ya Merero ya Selegae. Go dira platfomo ya sebjalebja ya ditšithale go fihlelela mosepelo wa batho wa go lokologa mola go kgonthiša gore batho bao ba sa latelego molao ba a tshwarwa gomme go tla ba le kgatelo pele. Tirišo e kgolo ya ditšithale, go akaretša tirišo ya dipayometriki, ke ka fao kgoro e tlo šomago ka gona. Tirišanommogo ye e tlo tsoša lebelo boitšhimolliši bjo bjalo ka diphemiti tša boeti tša elektroniki, tirišo ya ditšithale ya tshepetšo ya phetolelotlhago, le phethagalo ya dipfrothokhole tša kgonagalo ya bodudi bja sa ruri.

Khomišinare wa BMA Ngaka Masiapato o leboğišetše tirišanommogo e kaonekaone magareng ga SARS le BMA. O boletše gore:

“Ditumelelanontši tše di saennwego lehono di tlo kaonafatša dikamano tše di šetšego di le gona le SARS. O hlalositše bohlokwa bja tirišo ya tshepetšo ya ditšithale go boematseno le mafelo a tiišetšo ya molao mellwaneng. Kamano yeo e dutšego e le gona ya matlafalo e tlo hola kudu tumelelano ye le go dira boleng bja maleba bja baeti ba ka gare le ka ntle ga nago mola e kaonafatša bokgoni bja go emiša mosepelo wa bafaladi bao ba sego molaong”.

CEO ya Government Printing Works Mha Alinah Fosi o boletše gore e be e tloga e le ka hlomphe go yena legatong la GPW go ba karolo ya tumelelano ye ya mekgatlontši. O boletše gore:

“GPW ke karolo ya mokgwatšhomo wa ditšithale, gomme tumelelano ye e tlo thuša setheo ka phihlelelo ya phethagatšo ya tagafara ya yona, le karolo ya leano, le ponelopele bjalle ka Bolaodi bja Tiišetšo le Senthara ya Therasete ya Ditšithale. GPW e tla dira mošomo wa nnetefatšo le tiišetšo ya di ID tša ditšithale ka tirišo ya diplatfomo tša inthanete tša mmušo go kgontšha badudi ba ka RSA go fihlelela diritelo tša bona ka go kgotla konope ba diriša theknolotši ya founu. Se se tloga se le bohlokwa ka ge polokego ya ditokumente tša mmušo e tlo kgonthišwa le go tshephiwa. Go tloga go tshephiša gore go boloka ditokumente ka ditšithale go ka se kaonafatše fela tšhireletšo ya tšona fela, eupša e tlo kgonthiša khwalithi ya tšona le nnetefatšo go kgontšha baeti polokego le maeto a go hloka tšhitišo kudu ge ba etela ka go khonthinente goba mosetša”.



Seswantšho: Tshaeno ya Tumelelano ya Tirišanommogo ya Mekgatlontši – Go la ngele go ya go la go ja: Khomišinare wa BMA Ngaka Masiapato, Khomišinare wa SARS Mra. Edward Kieswetter, CEO ya GPW Mha. Alinah Fosi, Molaodi-Kakaretšo wa DHA Mra Livhuwani Tommy Makhode.

Go hwetša tshedimošo enngwe, ka kgopelo ikgokaganye le SarsMedia@sars.gov.za